
LE CHAPITRE DV SOLEIL LEVE,
contenant dix versets, escrit
à la Meque.

*Mahome
 se p'aint à
 l'Ange
 Gabriel
 de ce qu'il
 a demeuré
 long-temps
 sans le
 visiter.*

AV Nom de Dieu clement & misericordieux.
 Je iure par la clairté du leuë du Soleil, & par l'ob-
 scurité de la nuit, que ton Seigneur ne t'a pas quitté.
 Il ne te hay pas, son retardement te fera auantageux,
 & à la fin tu seras content; Ne t'a-t'il pas bien logé,
 lors que tu estois orphelin? ne t'a-t'il pas bien con-
 duit lors que tu estois deuoyé? Ne t'a-t'il pas enrichy
 lors que tu estois pauvre? Ne fais point de tort aux
 phelins, ne gourmande pas les pauvres, & raconte les
 graces que Dieu t'a données.

LE CHAPITRE DE LA JOYE,
contenant huit versets, escrit
à la Meque.

AV nom de Dieu clement & misericordieux.
 N'ay-ie pas rejoüy ton cœur? Ne t'auons nous
 pas deliuré du fardeau qui pesoit sur tes espaules?
 Nous auons esleué ton nom & ta reputation, l'affli-
 ction est suiuite du contentement, lors que tu auras
 finy tes prieres, traueille & ayme ton Seigneur.